

Vischnaunca politica Vuorz

Radunonza communal dils 11.12.2009

1. Approbaziun dil protocol dalla radunonza communal dils 09.10.2009

Il protocol dalla radunonza communal dils 09.10.2009 vegn approbaus unanimamein.

2. Presentaziun ed approbaziun dil preventiv communal 2010

Il quen current 2010 siara suenter expensas da frs. 2'079'570.00 ed entradas da frs. 1'959'575.00 cun in surpli d'expensas da frs. 119'995.00. Las amortisaziuns previdas sin la facultad finanziaria e la facultad administrativa muntan a total frs. 250'000.00. La contribuziun ord il fondo dall'ulivaziun da finanzas munta a frs. 109'000.00.

Il quen d'investiziun 2010 ei vegnius elaboraus cun risguardar il plan da finanzas 2010-2014 e dat ina survesta dils projects previ pigl onn 2010. Las investiziuns previdas ein vegnidas examinadas dalla suprastanza communal sco era digl uffeci da vischnauncas. Talas ein vegnidas taxadas sco necessarias ed indispensablas. Sequent ina survesta dils projects previ pigl onn 2010:

- Sanaziun dalla via cantunala (Narsaus)
- Sanaziun dallas vias da rundaziun (Surpunt)
- Sanaziun alla punt dil Rein
- Sanaziun remparts Val Varengia
- Sanaziun parciala casa da scola veglia
- Zona tempo 30
- Remplazzament vehichel communal
- Plan general d'allontanament (GEP)
- Project GWP (reservuar + lingias)

Il quen d'investiziun 2010 preveda totalmein expensas ell'altezia da frs. 3'477'000.00 ed entradas da frs. 2'393'000.00. Consequentamein muntan las investiziuns netto a frs. 1'084'000.00.

Il preventiv communal 2010 vegn approbaus unanimamein.

3. Fixaziun dil pei da taglia per 2010

Il pei da taglia actual munta a 130% dalla taglia cantunala semplia. Muort las investiziuns previdas tenor il preventiv 2010 eis ei buca previu da sbassar il pei da taglia. La suprastanza communal fa consequentamein la proposta da schar il pei da taglia sin 130% dalla taglia cantunala semplia.

Unanimamein vegn concludiu da fixar il pei da taglia sin 130% dalla taglia cantunala semplia.

4. Damonda da credit per la cumpra d'in niev vehichel communal

Cun fin mars 2009 ei in da nos luvriers communs, Bruno Cadonau, ius en la bein meritada pensiun. La suprastanza communal ha scret ora la piazza, ei denton ord divers motifs buca vegnida d'occupar tala sco previu. Sinaquei ha la suprastanza examinau la situaziun e concludiu da cuntinuar ad iterim mo cun in luvrer. Suenter haver secussegliau da rudien ha la suprastanza decidiu da presentar in project per la cumpra d'in niev vehichel communal. Sequentas ponderaziuns han motivau leutier:

- Il parc da maschinas actual (transporter, fieraneiv, muck) ei buc adattaus per in singul luvrer. Cun in sulet vehichel sa vegnir luvrau pli productiv.
- Il vehichel communal, tip Aebi TP 98, ei vegnius cumpraus igl onn 2003 ed ha egl interval luvrau rodund 2'500 uras. Diversas controllas han demussau che la cabina dil vehichel ei plein ruina. Ina reparatura ei vegnida schazegiada cun ca. frs. 6'000.00. Era el futur ei da quintar cun ulteriuras reparaturas.
- Il vehichel era da siu temps vegnius cumpraus per duvrar sil sectur dil forestalesses. Cun quei che las lavurs egl uaul ein curdadas naven entras la fusiun dil revier forestal Vuorz/Andiast cul revier forestal Rueun, ei in tal indrez danvonz.
- Era pil manteniment dallas vias ei il vehichel pauc adattaus, cun quei che tal ha in movibladad limitada. Era igl unviern savess in tractor vegnir duvraus a moda pli effizienta ch'il vehichel actual.

La suprastanza communal fa la proposta da cumprar in tractor, model Reform Mounty 100V. Tenor l'offerta avon maun ei da quintar cun ina summa da frs. 221'000.00 per in tal vehichel. Cumpru el prezi ei medemamein in fieraneiv niev ed ina pala hidraulica nova. Ils prezis da brat ein vegni offeri sco suonda:

- Transporter, fieraneiv ed indrez da trer lenna frs. 83'000.00
- Consequentamein muntan las investiziuns netto a frs. 138'000.00

Ord miez dils vischins vegn tschentau la damonda sch'ei seigi in summa pusseivel da far la rumida da neiv mo cun in luvrer. Plinavon vegn fatg attents ch'ei fuss da salvar il fieraneiv ed mobilisar dus vehichels lu cura ch'ei dat grondas nevas.

Il credit necessari ell'altezia da frs. 221'000.00 vegn concedius cun 25 vuschs encunter 1 vusch.

5. Approbaziun dalla revisiun parciala dils statuts dalla corporaziun da scola Rueun e contuorn

A caschun dalla radunonza communal dils 13.03.2009 han vischinas e vischins decidiu da sliagir il consorzi da scola e scoletta Vuorz/Andiast ed integrar quel ella corporaziun da scola Rueun e contuorn.

Sin fundament da quella decisiun (ch'ei era vegnida prida dallas ulteriuras vischnauncas cumpigliadas) ei vegniu elaborau ils novs statuts dil consorzi da scola Rueun, ils quals ein vegni approvai dalla radunonza da delegai dils 29.10.2009.

Igl intent dalla corporaziun vegn descret en art. 2 dils statuts e secloma sco suonda:

Las vischnauncas s'uneschon ad ina Corporaziun da scola per menar comunablamein la scoletta, la scola primara e la scola superiura.

La revisiun parciala dils statuts entra en vigur cun l'entschatta digl onn da scola 2010/11. Naven da quei onn da scola vegness menau in menaschi comunabel cun sulettamein in cussegl da scola, cun in representant ord mintga vischnaunca. Ils scolars da Vuorz ed Andiast restassen en casa da scola a Vuorz entochen sil pli tard igl onn da scola 2013/14 (quei onn mo cun 1 classa).

La suprastanza communal fa la proposta dad approbar la midada parciala dils statuts dalla corporaziun da scola Rueun e contuorn.

La revisiun parciala dils statuts dalla corporaziun da scola Rueun e contuorn vegn approvada cun 25 vuschs encunter 2 vuschs.

6. Varia

Revisiun parziala dalla planisaziun locala: President Luzi Pfister sa informar davart il conclus dalla Regenza GR prius a caschun dalla sesida digl 01.12.2009. Numnadamein ei la revisiun parziala dalla planisaziun locala vegnida approbada senza resalvas. Tal conclus ei vegnius publicaus.

Zona tempo 30: President Luzi Pfister sa informar davart l'introduziun dalla zona tempo 30. Numnadamein ha la cumissiun da spertadad dau suatientscha alla damonda dalla suprastanza communal. Tala vegn inoltrada alla Regenza GR.

Vuorz, ils 11.12.2009

Il president:

Igl actuar:

Luzi Pfister

Giovanni Damiano